



**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

2. Homines fungino genere.

---

[urn:nbn:de:hbz:466:1-68709](#)

Considerat hoc *insectum* diligentissimè Plutarchus libro, utrum animalia plus rationis habeant terrestria, an aquatica. Nullum enim, inquit, natura maximarum, pulcherrimarumque rerum tam augustum speculum habet: quoniam hic ceu pura quadam in guttula, virtutis totius significatio clarissimè relucet. *Amicitiae* imago est, illa inter formicas communicatio; *fortitudinis* simulacrum illa in ferendis laboribus alacritas; multa *temperantiae*, multa *providentiae*, multa *justitiae* semina & argumenta existunt. Jam verò nota sunt omnibus, illa primùm in accusu *benevolentia*, dum vacuæ onustis cedunt viâ, aut transitum præbent: dum quæ vel gestatu, vel importatu difficultiora sunt, atrofa partiuntur priùs, ac gestabile pondus, in plurimos distributum, reddunt: dum semina exponunt, siccantque sub dio, quod pluviae signum est. Omnem verò intelligentiae cogitationem superat illa, ne rursus in segetem exeant semina, *procuratio*: neque enim ut siccata, incorruptâve, in antrum congesta semina maneant, contingit: sed mox humiditate loci perfusa, lacteum quiddam contrahant, mollescantque, ac verti in herbam pergant. Ut ne igitur pullulent, ac in frugem corrumpantur, alimentique vim amittant; durent autem & eius sint, umbilicum grani, quâ mitti germen solet, eridunt multò antè, castrantque.

Non minùs eleganter & admirabundè Plinius de formicis lib. II. c. 30. Jam in opere, quis labor? quæ sedulitas? & quoniam ex diverso convehunt, altera alterius ignara, certi dies ad cognitionem mutuam nundinis dantur, quæ tunc earum concursatio? quâm diligens cum obvijs quædam collocutio ac percontatio? Silices itinere earum attritos videmus, & in opere semitam factam: ne quis dubitet qualibet in re, quid possit quantulacunque assiduitas. Hæc Plinius.

II. (b) Nunc ad mythologiam, quam pulcherrimam tradit noster P. Cornelius à Lapide in Proverbia Salomonis, ex quo tametsi paupèr fusiore, propter festivitatem argumenti referemus, mutatis quibusdam & additis, virtutes, industriam, soleritiam, labore, frugalitatem, prudentiam, sapientiam, œconomiam, & politiam formicarum, tanquam imaginis perfectissimæ Reipublicæ, quam instituit Æacus ex Myrmidonibus, formicarum posteris.

Et quidem cap. 6. in illa verba: *Vade ad formicam, o piger, & considera vias ejus, & disce sapientiam. Quæ cum non habeat ducem, nec præceptorem, nec principem, parat in aestate cibum sibi, & congregat in messę, quod comedat. Sic commendatur vir ille doctissimus. Formicarum*

(b) *Formicarum respublica, & virtutes adumbrata.*

rum providentia, solertia, diligentia multimoda est. Nam 1. formica faciendo frumentationem, providet sibi cibum in æstate, ut eodem vivat in hieme. Hinc apolodus Æsopi de cicada in æstate, cantui indulgenti, & hiberno tempore, esuriente. Cui illud formica: *Æstate can-  
tasti, salta in hieme.* 2. Frumentum defert in sua antra, quasi in cellas & apothecas, ibique recondit & asseruat, unde formica dicitur, quasi ferens vel *forans micas*, id est, perforans, ut ait Isidorus. Idem homini faciendum est, & labore iuventutis, alimenta paranda senectuti. Hinc adagium: *Αγαθῶν μυρμηκία:* Bonorum myrmecia, à μύρμηχι formica; quō significatur opulentia per laborem formicinum parta. Midæ, scribit Ciceron lib. 1. de Divinat, illi Phrygio, cum puer esset, dormienti formicæ in os tritici grana congeserunt; quō prædicebatur, illum fore ditissimum. Est autem μυρμηκία cavernula formicaria; & accipitur etiam pro gymnasio, in quo discipulorum frequentia dat operam sapientiæ, utique à formicis descendæ. 3. Formica grana incidit, & arrodit, oculos exedens seminis, ne germinent & putrefescant. En industriam in conservando penu. 4. Meliora grana feligit, deterioribus relicti. Officium hoc est & cura patrisfamilias, ut attendat in emendo, non quām leve sit pretium, sed quām bona merx. 5. Præsentit serenitatem; tumque aëri exponit grana; præsentit & pluviam, & tum recondit ea. Tempestatis observatio ad res, & negotia opportune peragenda, omnibus est, observanda, qui providè gubernare volunt rem sive publicam, sive privatam. 6. Formica quod viribus nequit, hoc consilio & continuatione perficit; unde assiduitas eius laborandi excavat semitas, laxa, rupes. Nempe labor improbus omnia vincit. 7. Formicæ licet careant rege, duce, instructore, tamen velut in Democratis quadam obtemperant sibi mutuò, & obsecundant; ac sine legibus justum rectumque colunt, id quod aurea Saturni ætate fecerunt homines. 8. Aversantur res foetidas, ut origanum, sulphur, cornu adustum. Facit hoc in animis virtute præditis amor honesti & famæ bonæ. 9. Sunt ventre stricto, & in senio more avium volant assumptis alis. Homo sapientiæ studiosus ventrem stringat per temperantiam & abstinentiam; atque ad altiora transferat cogitationes & studia sua. 10. Myrmicoleon est inter formicas, quod inter apes fucus; alieno fruitur labore per rapinam ablato. Denotantur hic homines frugiperda, & qui nihil agunt in vita, quod vitæ sit dignum. 11. Formicæ dividunt onera, inque plures partiuntur. Nimirum consilium & solertia fit facile, quidquid videtur multum habere difficultatis, pro verbo



verbio dicitur, *multæ manus onus reddunt levius.* 12. Formicæ non raro prænuntia mortis extiterunt. Eam prænuntiavere Cimoni Atheniensum Duci, teste Plutarcho; & Neroni, perhibente Suetonio. Causam dat Aldrovandus, quod formicæ sint terræ filii, an filiæ, & in cavernis habitent, mortuorum conditoris. Præstantissimum philosophorum, Platonem reddidit, *Meditatio mortis.* 13. Formicis bilis est stimulus laboris & agilitatis. Nam juxta adagium: *& formicis sua bilis inest,* qua excitatæ pugnant turmatim in hostes, aditum in antra molientes. Hoc telum, flavam bilem, homini natura dedit, quasi ceterum virtutis; ad politiam pertinet *arcere, quæ nocere possunt.* Et Sallustius scribit, sapientes pacis causâ gerere bellum; & laborem sustentare spe otii. Admonet etiam proverbium hoc, neminem inimicum, quamvis pusillum contemendum, aut temerè laceſſendum.

Atque hæc pleraque in caput 6. Proverbiorum sacrorum Cornelius attulit; idem in caput 30. eiusdem libri, explicans illa verba: *Quatuor sunt minima terra, & ipsa sunt sapientiora sapientibus: formicæ, populus infirmus, qui preparat in messe cibum sibi &c.* ita disserit: Hæc sapientia elucet in formicis, quæ cùm non habeant ducem, suo tamen quæque instinctu & motu agit, quod convenit. Apes habent monarchiam; Formicæ democratiam seu regimen populi. Est autem formicarum respublica quasi caſtrensis; unde urbes, quasi sub terra sibi ædificant instar caſtrorum, ea foſteria, proportione, mensurâ, distributione, ut eas intuitus Simon Majolus Episcopus Vulturienſis, ut ipſe scribit in Dieb. Canic. coll. 7. magis miratus sit, quām fabricam Neapolis, urbium pulcherrimæ. Præterea, quid mirabilius, formicæ suas urbes in tria quasi habitacula dividunt; in quorum ſcilicet uno vitam degunt, ac communiter comedunt; in altero alimenta ſua quasi in horreo vel granario recondunt: in tertio mortuos ſuos ſepelunt, teste Plutarcho loc. cit. Ælianus lib. 6. de animal. c. 43. addit quartum, ſcilicet gynæceum, ubi feminæ pariant. Insuper formicæ turmatim incedunt, sed miro ordine, astutia, & pace; vacuæ enim onus non ſpoliant: nec eis quidquam ſurripiunt, ſed quævis ipſa ſibi colligit, & quod collegit, in communem acervum comportat. Aliæ, inquit Ælianus lib. 2. c. 25. ad legenda grana eunt: aliæ onus portantes redeunt, ac ſummo cum honore ac modetia, aliæ aliis de via decedunt. Et alibi Idem: Formicæ imprimis ſedula atque operosa animalia, tanto laborandi studio tenentur, idque absque ulla excuſatione & prætextu, quo uti ſolent ignavi, ut ne noctes quidem in ſuo opere cef- F f sent,

sent; modò sit luna plena, nam interlunio quiescent. Cùm autem tanquam ad pabulandum proficiscuntur, natu grandiores sese junioribus duces præbent; atque ad segetes ut pervenerunt, adolescentiores sub stipula stant: duces verò ascendunt, & spicas abscissas inferioribus dejiciunt: hæ verò eas distrahunt, & suis ex glumis & vaginis grana inclusa explicant. Hæc Aelianus, insignis naturæ explorator. Quid aliud desideres in Republica hominum, sive species ædificia, quibus civitas bene ordinata constare debet: sive Ordinum civilium discrimina, sive juventutis educationem: sive vita functionum curam: sive incolarum pacem, concordiam, mutuum auxiliū: sive laboris sedulitatem, otii propulsionem: sive alimentorum provisionem. Quid quod formicæ cœlestium notionem quandam habent, ac sæpe cœlum suspiciunt, præsentiusque ventos & imbres, unde se domi continent. Quocirca Aelianus lib. I. c. 22. eas astrologiæ peritas afferit. Plinius lib. 11. tribuit eis vaticinia. Denique formicæ dum senescunt, & oneri succumbunt (nam tunc alas emittunt, ut homo canos capillos) è Republicæ administratione abeunt, & in eminentem locum, teste Alberto M. I. 8. c. 26. avclant, veluti ad cœlestia, fastidio terrenorum anhelantes. Hæc ex diversis Cornelius, & nos ex illo, ut si quis dubitet, tantorum virorum auctoritate judicium suum submittat. Strabo lib. 8. per formicas, homines intelligit terram fodientes, & agriculturam exercentes, olimque pro domibus antra habitantes. Quo mortalium genere nihil est innocentius, nihil Republicæ utilius. Hinc ille Phrygii fabulatoris apodus. Rusticus cùm vitæ finem adesse sibi cognosceret, cuperetque filios in agrorum cultu fieri sedulos, vocavit eos ad se, & filii, inquit, ego è vita discedo; quidquid comparsi, id totum vobis in vinea quærendum relinquo. Illi post patris obitum latere thesaurum in vinea rati, arreptis ligonibus, solum omne diligenter effodiunt. Thesaurum quidem non invenerè, vinea tamen improbo labore & sudore culta copiosos fructus produxit, illösque divites effecit. Tantum potest assiduus more formicarum labor; quæ, quod Arrius scribit in Question. de Tuscia, veterem urbem, ad Volsciensem lacum, *Contenebram* nomine, per cuniculos deleverunt; unde locus ille vulgo *Castrum formicarum*, nominatus. Adeo nihil formicis ad pacis & belli deest artis; & potuerunt meritò Myrmidones non tantum nomine, sed etiam posteritate & politia formicarum gloriari. Ubi etiam dice, quod Ovidius monet:

----- Quæ non possunt singula, plura nocent.

Tiberio



Tiberio Cæsari in deliciis erat draco, quem de more, manu ipse sua enutriebat, hunc eum à formicis consumptum accepisset, oraculo monitus est: *Vim multitudinis caveret.* Suet. c. 27.

IL. (b) Pro additamento huius fabulæ formicas in homines transformantis, disce, quanti intersit, è formicis, an è fungis ortum habere; nam etiam ex his enatos esse homines. Ovidius docet 7. Metam. qui de Corintho mentionem faciens canit:

----- hinc veteres ævo mortalia primo

Corpora vulgarunt, pluvialibus edita fungis.

Ait pluvialibus, quia fungi procreantur è pluvia. Facetè Plautus in Triumnum de Charmide quodam sycophanta, qui causiam petasumve latiorem in capite gestabat: *Pol, hic quidem fungino est genere, capite se totum tegit,* Vi-deas non raro genus hominum è fungis prodeuntium, qui toti quanti, stupidi sunt, bardi, blenni, plumbei, corpus sine pectore, pistillo retusiores; quibus cerebrum est glacie concretum, verissimi fungi, qui vix in herbis, plantisque nomen merentur, ignavum pecus fuci, & latam inglorij trahentes alvum. Miseram familiam, miseriorem civitatem, ubi magnus fungini germinis proventus est; suâ corruptum, destruunt, perdunt ignavia, quidquid laboriose formicæ congesserunt. *Pluviales* meritò vocat Naso *fungos*; nuspialem enim copiosius crescunt hinc orti homines, quam inter cyathos. Non inscitè Plautus ait, tales toto capite tegi; nam tali ex tecto quid nisi umbra projectur, & offusa rationi tenebra? Hinc Ethica monet, ut, quibus in locis luxuriat fungorum progenies, manus adhibeat ad sarriendum, exherbandum, runcandum, vellendum, elidendum. In mentem venit, quod Joannes

Chokier in thesauro Polit. lib. 5. c. 19. refert, se Lutetiæ non sine risu vidisse, desidiosa, & valida mendicabula, instar asinorum plaustris juncta ad evehendas urbis fordes.

Sic decrescent fungi, crescunt formicæ.



Ff 2

SYM.

(b) Homines fungino genera.